



16966

H. K. K. K.

I

Mag. St. Dr.

P

Rex

Otreboor Danielis In feliciem ex mo-
schova revisum oratio grati-
tatoria.

PANDE. & VITAE

Palen.

4^o

JE 1095.

Biblioteka Jagiellońska



stdr0002958

IN FELICEM
EX MOSCHOVIA
REDITVM;

Serenissimi ac Potētissimi
VLADISLAI IV.
Poloniæ & Sueciæ Regis,
&c. &c.


Oratio Gratulatoria



M. DANIELIS OTREBOSZ Collegæ Mino-
ris Classium Nouodworfcianarū Profess.

CRACOVIAE,

In Officina Typogr. Matthiæ Andreouienfis,
Anno Domini, 1634.



16966 I

ORATIO.



DEM ESSE REGES
Principesq; Regnis & Domi-
nijs suis, quod solem mun-
do, & rebus vniuersis non
ab re viri sapientes vsurpa-
re consueuerunt, Serenissi-
me & inuictissime R E X

VLADISLAE. Quippè inter alia cōmoda & in-
commoda vtrinq; similiratione proueniētia, quē
admodum ad exortā solis nitidā faciem virere o-
mnia vidētur, & aspectu suo recreare mortalium
oculos, & sensus omnes, & animū incredibili vo-
luptate reficere, contracto verò eiusdem coruscā-
ti lumine, vel defectione aliqua obscurato, squal-
lent vicissim & horrent omnia. Sic ad vultum &
successus Regum, Regna, principatus, & populi v-
niuersi lætitia, vel mærore confici consueuerunt.
Atque hæc cum longo vsu, & manifestis exemplis
satis constant, & apparent, tūm nos hoc toto
tempo-

tempore, liquidò, & abundè cognouimus; didicimusq; nihil adeò publicis votis optandum, nihil æque gratulatione dignum, quàm optimi principis successus. Nam cùm Deo immortalī, qui humanas res multifariam versare, & vitam nostram nunc lætis mulcere, nunc tristibus affligere solet, placuit, Inuictissimo Principi nostro, inter tot insignes & memorabiles triumphos, gaudiaque, & dona multiplicia, non nihil etiam aduersi & tristitiæ admiscere, ac primùm Christianitatis totius decus Poloniā, aureum bonitate solum, campum militaris gloriæ Moschus nulli feritate secundus aggressus est. Dein Abazi Bassa hinc auro à Moschis corruptus, illinc agminibus Tartarorum fretus, latrocinia in aspectu totius Poloniæ exercuit, incredibile dictu est, quàm exemplo Principis sui, tota hæc Regni & dominiorum eius facies fuerit immutata, quantus ubique squallor, & tristitia inualuerat, adeò ut nihil communi omnium desiderio magis expetitum fuerit, nihil in Dei Opt: Max: Sanctissimæ Mariæ Virginis, Genitricis Dei, Sanctorumq;

rumque omnium conspectu; denique ad illud
nouæ Legis, venerandum tremendumque alta-
re, diuinis & admirandis arcanis, mysterijsque
plenum, maximisque pignoribus coelestium do-
norum, ex IESU CHRISTI, Dei & Seruatoris nostri
meritis vndiquaque circumfluens, atque redūdans,
exoratum, quàm, vt diuina eius clementia, has rur-
sum nubes discutere, & quod præcipuum, ad cō-
munem vtilitatem pertinebat, iniuriam violati
Regni repēdere, dignaretur. Ac audiuit tādē, Cle-
mentiss. Pater, preces & vota populi sui, affulsitque
nobis hodie, constitutis hactenus in tenebris, &
in vmbra luctus, tanquam lucidissimus sol ori-
ens ex alto supra hemisphærium Sarmatici orbis,
quæque eius est benignitas, magnum quoddam
fœnus gaudij, & bonorum omnium, nobis adie-
cisse videtur, cum ara æternitatis dignam ex Mo-
scho victoriam, Tibi Regi nostro Clementissimo,
nobis vberimum lætitie campum dedit, quo
nullus ad decus, ad splendorem, ad votum Re-
gni Poloniæ, non inueniri solum, sed ne optari
quidem, & concipi in animo possit, dignior &

Iocupletior. Siue enim victoriæ dignitatem
contemplamur, ea quidem relata est ex Moscho;
cui à primis nascentis Poloniæ incunabulis, inq;
robur virile sese colligentis, quàm acerrimum in-
natum sit odium in Polonos, ob immanem cru-
delitatem, ius belli toties violatum, perfidiam
supra omnium hominum scelera positam, Histo-
rici literis incidere, ne aures beneficio sæculorum
emerguræ posteritatis polluant, dedignantur. Si-
ue perpendamus animis nostris magnitudinem
belli: periculoso quidem tempore, sed breui, ma-
gna totius Europæ admiratione, Othomanorū
non exiguo terrore, immortalī Poloniæ gloriā,
insigni Moschouicę strage extinctam videmus, pro-
fligatos diuersorum hostium validissimos exerci-
tus, direpta castra, expugnatas vrbes, impositas
barbaro hosti leges, abactam prædam Sein-
Ducem Moschorum, qui certissimā victo-
riæ spe inflatus, huc & illuc volitabat, debilitatū
metu, abiectis armis robori Polonorum inuiecto,
nulloq; robore fatigabili, manus victas tradidif-
se, bellumq; illud Moschouicę famā, & opinione
magnum

magnum, exitu nostris gloriosum, suorum inter-
trecione memorandum reliquisse. Cupe-
rem profectò huius tanti Principis, non iam exor-
nandis, sed enarrandis victoriæ laudibus, vel ali-
qua ex parte volûtati parem afferre me posse co-
piam, & facultatem dicendi. Satis enim sit al-
cui velle, cunâtis quidem pulcherrimum fuerit
scire, summorum virtuti principum oratione re-
spondisse. Sed quod in exactioribus quibusq;
artificijs vsu venit, vt quò in aliqua re plus diligen-
tiæ, & operæ aliquis posuerit, eò minus id quod
sequitur assequatur: hoc & ego non modo ani-
mo, sed corpore toto perhorresco. Quis enim ob-
secro reperiat, cuius VLADISLAI V. Polonię
Regis Inuictissimi, virtuti & amplitudini par fue-
rit oratio? Magnas ille, atque haud scio si post
hominum memoriam non omniũ maximas res
in Moschouia gessit. Qui toto tempore belli,
quod certè modicum fuerat, quæ non dedit si-
gna? quæ non reliquit exempla? quæ non ex-
pressit vestigia virtutis, pietatis, prudentiæ, forti-
tudinis, & mansuetudinis suæ singularis? ille,
quod

quod de Atlante fingunt Pœtæ, terrarum orbem
humeris suis Christianum sustinuit; dum horri-
bilem Moschi apparatus, varijs hominum agmi-
nibus refertum, fulminis instar disiecit: illius o-
mnem temeritatem consilio, furorem fortitudi-
ne, audaciam virtute superavit: ille paternum Im-
perium, at quale, & quantum auxit? dum la-
bentem Smolensci statum, & iam penè collapsū
crexit, atque ad pristinam stabilitatem, & nito-
rem reduxit. Ille Christianorum Regna, & Pro-
vincias contra Turcas defendit; dum faces func-
tas per Illustrissimum Castellanium Crac: Supre-
mum Ducem belli è manibus Abazi Bassæ extor-
sit, eiusdem tela à visceribus Christiani orbis de-
pulit, ultimoque exitio, & interitu liberauit: &
quod caput rei est, liberum cœlū ciuibus reddidit.
Ille in orientis & obeuntis solis, ultimis, Religionē
catholicam mirificè propagavit: dum per inui-
ctas Polonorum manus, ætatem militum lacer-
tosam, & armis idoneam, in hos labyrinthos ho-
stem deduxit, atq; redegit, vt qui fœdissimo ore,
minas iactare, Vni ex omnibus Polonorum vires
maxime

maximè despiciere soliti erant: quique apud illū
stolidum ac furētem Dominum suum ausi essent
gloriari, se quidquid vsquam Polonorum esset,
vndique exterminaturos: ij potissimum cum ad
manus ventum esset cum militibus inuicti robo-
ris Serenissimi Regis nostri: ita subito perterrefacti
sunt, vt planicies ipsa camporum angusta eis ad-
fugam capeffendam videretur. Magnum hinc
Tibi Serenissime ornamentum accessit, magnū;
grata patria complectitur Te optimum parētem:
Et enim de gloria Regni tui dimicasti; vindicem
laudis: etenim pro Imperio, Te ipsum periculo
capitis exposuisti; depulso rem seruitutis: etenim
vitæ Ciuium tuorum periclitanti, iamq; in præ-
ceps ruenti, fortissimum propugnaculum in co-
lunitatis præstitisti: vt nō immeritō quisque in
colarum Regni Poloniae gloriaretur: venisse Re-
gem, diuina quadam prouidentia rebus humanis
consulente eum, quem perturbata, & afflictæ
Poloniae res vel maximè flagitabant: ad scientiam
gubernandæ Reipub: peritissimum, ad consilia
prudentissimum, gerendorum bellorum vsu, di-

B

disciplina-

disciplinaque summum Imperatorem: & si quid
casui aut fortunæ tribuendum sit, ad casum for-
tunamque felicem: omni regia virtute, Regibus
qui maximi aliquando fuere, literisque vel Græcis,
vel Latinis celebrantur parem: dixerim superio-
rem; omnes enim omnium nominum Principes,
Serenissimo Regi nostro gubernandi artium o-
mnium artem, & intelligentiam concedunt. Nō
Græcorum Agesilaus, non Romanorum Traia-
nus, ut in multis paucos numerem, æqualem glo-
riæ, & æquitatis partem, bellandi felicitatem cū
hoc vno petant: melius hic viuit, quàm qui re-
gulas vitæ, olim ille scripsit. Melius in tam alta
speculâ, tantisque procellis tot populos liberi Re-
gni regit, quàm humi serpens aliquis ipsum se in-
pacato texit. Sapientius ius Equestri ordini red-
dit, quàm legislator iura suis dedit. Plura &
difficiliora bella in finibus Regni sui confecit, quàm
vetustioris æui hominibus non nemo bellato-
rum gessit. Pacis inter arma dominus; domi
hostibus terribilior est, quàm qui foris longè at-
que latè vexilla sua circumtulerunt; in omnibus
denique;

denique locis, atq; temporibus talem se præstitit,
qualis vix optari nedum sperari alter poterit; nō
magis ad imitationis exemplum, quàm ad ipsam
veritatem historię literis monumentisq; publicis
posteritati commendandus. Nam si quis pru-
dentia nomine gloriatur, si fortitudinis & ma-
gnitudinis animi virtute claret, si iustitię titulis
extollitur, si temperantiã nomen gloriosum in-
uenit, si liberalitatis gloriã splendet, si quis item
vlllo alio virtutis genere nomen sibi immortale
comparauit: ista omnia ornamenta, & alia quàm
plurima, quæ Reges ornare, Regna stabilire, feli-
ces ac beatos subditos reddere solent, ex Te Se-
renissime REX, tanquam ex limpidissimo fonte in
vniuersum Polonię Regnum promanarunt. Si
enim illam vitæ magistram, gubernatricem acti-
onum, oculum Regni, custodiam rerum, du-
cem beatitudinis prudentiam requirimus: ecquã
tandem maiorem prudētiam desiderabimus, eã
quæ in te Serenissime cluxit? Cui cū per leges
non liceret Imperatorem exercitus esse, dum alijs
hoc munus laboris, periculorumque plenum,

vel subterfugiunt, aut recusant, vt qui se ipsos
optimè nossent, vel ab eodem munere, pudore
quodam, Te tanto Rege præsentē, deterrentur;
obis munia Imperatoris, cui, cum omnes vno
ore literas, ingenium prudentiam, consilium, su-
isq̃ue numeris absoluti Imperatoris cōcederent,
militarem adeò tribuerent; vt non modò Impe-
rator, sed etiam magnus Imperator, & nostra, &
hostili & omnium confessione prædiceris, tam
literis ad rei militaris scientiam, quàm rebus ge-
stis ac victorijs eruditus: cum nefas Tibi omnino
duceres, grauissimo tempore Rēpub: deserere;
neq̃ue vllam satis iustam excusationem apud Te,
Sapientissimum Regem fore animaduertes. Tu
consilij Tui fructū cæpisti: victa est Mosci fero-
citas: prostratus Tyrannus, recuperatæ sunt pro-
uinciæ: expugnata munitissimæ vrbes: arces æ-
terno fæderis iure possesse: victa locorum natu-
ra: frigus arctoum: incredibilis tempestatum
magnitudo: in ea deserta penetratum, quo ipsa
naturâ hominibus aditum videbatur penitus in-
terclusisse: schismatica illa bellua in Rēpublicam
nostram

nostram defœuens, admirabili fortitudinis tuę vi
mitigata, & fortium militum dexteritate cò reda-
cta est, vt quę non ita pridē Orbis Christiani toti⁹
decus Poloniam oppugnare, subiugare, & euer-
tere voluit; solenneq; cum gente sua ortu igno-
bili, mala & peruersa naturâ, nulla excultâ doctri-
nâ, effrenata libidine aliena inuolandi, & rapien-
di consuetudine gaudente, fecit, de vniuerso Polo-
norum sanguine genti suę (cui non dicam cum
sanctitate, sed vel cum ipsa ratione nihil est com-
mune) propinando: hæc euulsis furialis odij
radicibus, fædus cūm Polonis, ad vltimas Impe-
rij sui lineas confirmarit. Hæc omnia Rex ma-
gne & per Te, & inspectante Te, à fortissimo mi-
lite gesta sunt. Si celeritatem spectes, breui tē-
pore, si vim, non admodum magna manu. Fe-
licissimo Imperij Tui auspicio recreata Polonia,
dat Maiestatī Tuę triumphum, sapientissimus es
extruit maiestatī Tuę aram æternitatis: iustissi-
mus es, laborum pro Republica susceptorum ex-
sortem Te reddere, crimini ducit Polonia: prudē-
tissimus es. Edet exemplū æternū duraturæ gra-

itudinis erga Te Regē nostrum, quod posteritas
alet, quod omnium gentium, dum gentis Polo-
næ, Moschouiticæque nomen erit superstes, fa-
ma celebrabit: quod ipsa æternitas intuebitur.
Sed si ego rectè conijcio, non potest, gratuita est
tua virtus: præmium tuum victoria: fructus la-
boris, patriæ salus: periculorum solatium, di-
gnitas Reipub. restituta, quam hostis labefecerat.
Iam si Triumphos spectemus Serenissime REX,
brevis est voluptas, vehi per urbem, conspici à
multitudine, militari acclamatione ornari, o-
stentare prædam, duces captos manibus post ter-
ga reuinctos, flumina, Regiones, Prouincias, vr-
bes subactas. Spectatorum hæc est grata volu-
ptas, Tui repræsentati labores. Sin me conuer-
tam ad triumphales arcus, atque statuas, hæc
ornant quidem urbem, urbisque defensores: ve-
rùm faciliè tempestatibus intereunt, nimborum
vi franguntur: vetustate senescunt. Ex his au-
tem delubris exigua gloria comparatur, quoniã
virtus est, quæ mortales Dijs simillimos efficit: ho-
minum autem decretis nemo ynquam Deus fa-
ctus est.

Stus est. Muta sunt ista Serenissime REX: nō-
ua dum sunt, ac recentia, spectantur; inueterata
paucis noscuntur, ignorantur à plerisque: po-
stremò partim hominum errore, partim obliui-
one, & verum nomen, & veros dominos, cum
falsis Dominis commutant. Percunctare de
huiusmodi monumentis quid censeant Bizantij:
Exstant ibi plurima: alij aliud opinabantur. Quid
Romę? quid Neapoli? quid in alijs vrbibus Ita-
liæ? Doctissimus sit peritissimusque antiquitatis
necesse est, à quo possis non quod verum, sed
quod verisimile sit accipere. Indignum est no-
mine monumenti, quod tam angustis finibus, vel
cognitionis, vel memoriæ, vel annorū cōtinetur.
Verum licet tu hoc sis animo, vt sapiens, ad huma-
na tanti scilicet, quanti sunt, idest minimi æstimā-
da, exaggerato. Existimas né Poloniam, idem iu-
dicij, idem animi erga te, idem sententiæ de Te
habituram, ac potius habere? versaris illi in ani-
mo, versaris in ore, heres intimis medullis, virtus
tuam augustiorem omnibus triumphis iu-
dicat. Res à Te in Moschouiâ gestas, omnes ho-
nores.

nones vel amplissimos superare animaduertit.
Est quidem industria militum vsitatio; sed Do-
mini præsentia felicior. Non malè procedunt
ea, quæ magistratus minores obeunt; sed multò
felicius & celerius, vbi ipsi rerum Domini adese
se consueuerunt. Et quemadmodum expedi-
tior aduictoriam via patebat, cùm ipse Alexander
Macedo, hasta & gladio metuendus ibat in ho-
stes; ita multa vel vno intuitu Tuo sanata sunt,
quæ, ne multis quidem aliorum laboribus inue-
niri, cognosci quæ potuissent. Tantus amor
eorum, qui Tibi diuinitus obtigerunt. Hoc il-
lud est, cur Tibi omnes labores, quos susceperas
grauissimos, leuissimi viderentur, ad hoc omnes
curæ Tuæ dirigebantur; vt si quæ per acerrimū
Christiani nominis hostem violata, & labefactata
essent, Tuo aduentu restituerentur. Et miramur
adhuc, cur Te consilium quæ Tuum, nihil illa mo-
rata fuerint, neque corporis teneritudo, neque
affectæ valetudinis infirmitas, neque auræ varia-
tio, neque anni tempus alienissimum, neque viæ
inuiæ, neque hyemis asperitas, neque statuarum
incom-

incommoditates, neque excubiarum, molestiæ? Quæcū ita se habeant, quid admirandum, quòd hodierna iucundissimâ luce, omnium lætitia ac applausu, animus Senatorum noua & inaudita exultatione tripudiet? vniuersus denique bonorum cætus insolita efferatur voluptate? Ecquidem maiores nostri summò iucunditatis affectu perciti, ob aduentum eorū, quorum virtus, ac præclarè gesta, siue foris, siue domi peracta, vniuersorum aures impleuerant, festos dies celebrabant, victimas cædebant, coronas ciuicas & murales donabant; ac demum, quâ potuerant animi gratitudine afficiebant. Testis est Pompeius, cui ob insignia in Rempub. facinora, tres triumphi fuerunt decreti. Testis Marcellus, cuius gloriæ; columna à Syracusanis extructa, euidentissimū præbuit virtutis argumentum. Testis Valerius & Fabricius, ob quorum in Rempub: animum; extincta cadauera, vel in ipso foro humata, & sepulta fuerunt. Testes, Scipiones, Fabij, Scæuolæ, Horatij alijsque innumeris; Ad
C quorum

quorum ingressum, non priuatæ domus tantum, non proprii parietes, non amicorum tecta, non vicinorum lares; sed vel ipsa totius orbis caput Roma sese obtulit, ac penè effudit. Sed facebant Pompeij, Marcelli, virtute bellica illustres. Exterminentur Fabij, Scipiones, rerum gestarum gloriâ præstantes: procul Valerij, Fabricij, alijq; complures, quos tum toga tû arma adeò in sublime euexerant; vt nihil humani, sed diuini potius quiddam participare viderentur. Nihil hîc belli gloria, quæ cito arefcit, nihil ventosa ostentatio loci obtinet; ast omnia augusta, æterna, diuina, penitus in animo tuo confederunt, illi omnes partim cum imbellibus populis rem habuerunt: partim bello felices, cæteris rebus infortunati fuerunt: partim claudibus victorias propemodum adæquârunt: partim etiâ aliquo usq; à fortuna euecti, in medio cursu destituti, & ad extremum sæuis eiusdem procellis obruti sunt. Tu contra, hostem longè potentiorē acrioremq; non vnius vrbs, sed totius Regni Poloniæ ab initio ad finem vsq;
secundo

10
Secundo flatu fortuna bellum tuū prosequen-
te, vicisti; totum belli tēpus quod perexiguum
erat eò dirigens; vt immortalis, omniq; poste-
ritatis memoriā digna maneret victoria. Et
manet; si quidem omnium Romanorum belli-
cā tātō opere celebratę laudes, silent, taceat ar-
ma quę summum ferocissimis nationibus ter-
rorem incusserunt: clara illa & exornata tro-
phæa, illustrium victoriarum insignia, & orna-
menta in disiunctissimis terrarum oris ere-
cta, conticescunt; omnes verò eorum res bel-
lo gestę, quę omnium ingeniorum vim dicen-
di, atq; vbertatē superare videbantur, Tuarum
virtutum splendor, lux Tui nominis obscurat,
& vt orto sole, minora lumina nostri adspēctus
aciem effugiunt, sic illę quantumuis illustrissi-
mę habeantur: tamē effusa virtutum tuarum
luce coarctatur omnium eorum fulgor, & eua-
nescit. Quemadmodum enim sol lucidissimus,
quò densioribus circumseptus nebulis fuerit,
eò pulchrius clariusq; caput exerit, suoq; inge-
nti radiorum splendore omnes orbis plagas col-

lustrat; ita tu pulcherrimā de hostibus fortitus
victoriam, quasi lucidissimum sydus penitus in
oculis nostris illuxisti, omnes tristitiæ nebu-
las, quæ faciem Patriæ nostræ obduxerant, vir-
tutum tuarum radijs dispulisti. Inuaserat Re-
gnum Poloniæ aduerso Septentrionis flatu im-
pulsus vultur. Tripudiabat in laqueos suos
opimā incidisse, prædā canebat Triūphū ante vi-
ctoriam; Tu autem diuina gratia firmatus,
galeā salutis indutus, scuto fidei armatus, cin-
gulo veritatis præcinctus, lorica iustitiæ vestitus
aduersus crudelissimum hostem; castra pietatis
mouisti, ac feræ immanissimæ restinxisti ignem;
antequam inualesceret, admouisti in tempore
medellam, ne uis veneni ingrauesceret. O Deus
Optime Max: Ecquæ non debetur, aut quæ tã-
dem referetur Tibi à nobis gratia; cuius bene-
ficio veluti quidam Atlantes, orbi Christiano su-
stentādo ex lagellonum Familiā, vberissimo Re-
gum seminario suscitantur. Gloriabatur olim
illa rerum domina Roma, quibus solis cursus, ijs-
dem regionibus imperiū suum cōtineri. Quid
non

non lætetur? quid non gestiat? quid non magnam animo spem concipiat Polonia. Cum Te Patrem Patriæ, sospitem redire intuetur. Cum Te in Antiquissimâ Familiâ Jagellonum, Sceptris Regalibus tum in Patria sua, tum apud exterarum nationes, satis superque ornatâ, natum esse considerat, cuius eximium, semper erga regni Poloniæ incolas patrocinium exstitit. Quando quidē ex eadem tanquam ex pingui aliquo, & fertili solo, innumerus propè Potentissimorum Regum literis, & virtutibus splendentium numerus, dono quodam prouidentia, à ducentis Quadraginta octo annis propagatus, ad ornamentum tot Regnorum prouenit. Neq; hæc Serenissima & Augustissima Familia in vno aliquo, benè de Republicâ merendi genere studium, & promptitudinē suam declarauit, sed quotquot modi sunt, quibus homines de hominibus, Ecclesiâ Patriâ, vniuersâ deniq; Repub. mereri solent; tot modis inclyta hæc familia, Illustriorem se longè lateq; reddidit. Age verò animi magnitudo, nonnè ita semper in hac antiquissima Familia vixit, vt in eadem na-

ta atq; educata esse videretur? Fuerunt in hac do-
mo, Camilli, Torquati, Coruncani, Sempronij,
Scipionesque Iagellonici, qui vel hostiles turmas
sternendo, eorum in ceruicibus gladios cruenta-
bant, vel regnum ab obsidionibus tutati sunt; vel
in medias hostium phalanges irruendo, illis ter-
rorem: suis animos faciebant, vel deniq; pro Pa-
triâ (si aliter fieri non poterat) occumbebant.
Cuius utinam stirps in Hungariâ & Bohemiâ diu-
tius permansisset: neq; enim his arma tractantib;
Turcarum Tyrannus eò, quò venisse videmus,
potentiâ processisset. Si ergo cæteri Regni Polo-
niæ ordines, ideo ob felicissimum tuum reditû,
lætitia afficiuntur, quia cum sibi Diuino beneficio
redditum esse animaduertunt, cuius antea bene-
ficiû, in rebus afflictis, & exulceratis experti sunt:
iure & nos, qui prius patrocinium, quàm conspe-
ctum, prius beneuolentiam, quàm præsentia Se-
renissimæ M. Tuæ sensimus; qui plurimas in mul-
tis beneficentiæ Tuæ argumētis imagines expres-
sas, contēplati sum⁹; gaudere & modis omnib⁹ læ-
titiâ, ex Tuo Felicissimo reditu percipere debem⁹.

Ec-

12
Ecquidem Clementissime Rex, si ad cumulan-
dam nostram lætitiā, accessisset aliud: nihil
quàm quod Te, feliciter Regno Poloniæ inter tot
occurentium hostium agmina præsidente, hæc
alma Vniuersitas Cracouiensis, multo à tempore
afflicta, consurrexerit, iamq; clariori facie reas-
sumpta, feliciori sydere floret: tamen non leuis
ingratitude esset nota, nullā Tuo in reditu læti-
tiæ significationē declarare. Sed cū penè innu-
merabilia sunt, & ad contēplandum iucunda, &
ad prædicandum illustria, quæ nostros animos re-
creando, & bonam spem pollicendo, lætitiā ac-
cumulāt: iure optimo, & gaudere, & studiorū no-
strorum incrementum facundum nobis polliceri
debemus, quod Te, reducem, in hoc bonæ vale-
tudinis vigore, ad Patrias sedes eo tempore, quò
maximè prudenti Tuo consilio Respub. & literæ
egent, Deus Opt: Max: reduxerit. Memnosinis
illa statua (vt antiquitas prodit) ita fuit in templo
Serapidis ad solis obseruantiam efformata, vt illo
occidente, luctuosum aliquid; oriente lætum &
amænum occineret: quantò magis nos decet.

Lætas

lætas gratulationes exordiri, cùm literarum nô-
strarum solem in grauitatis, authoritatis, magni-
ficentiæ splendore ad nos redire videmus. Hac-
tenus profectò, quasi hyemem quandam sine o-
ptatissimo Tuo conspectu perferre nobis videba-
mur: modo iam nouum ver, splendidiori facie,
nobis arridere incipit; iam hoc omnes concor-
dibus animis ominamur, almam Vniuersitatem
Cracouiensem, quæ hactenus in absentia Sere-
nissimæ Maiestatis Tuæ, marcescere videbatur,
modò iam ad felicissimum Tuum redi-
tum in dies incrementa maiora
accepturam.



Sub fælicissimis auspicijs Clariss: & Magni-
fici Dñi, D. CHRISTOPHORI NAYMA-
nowicz, Philosophiæ ac Medicinæ Docto-
ris, & Ord: Profess. Acad: Iagellonianæ,
RECTORIS vigilantissimi.

Sumptibus Nonodworscianis.

